



Aqutsinissamut tunngavissaq

ATUGARISSAARNERMUT ATTASSIINNARNERMUT ANGUSANULLU
ATAATSIMORUSSAMIK AQUTSISUNI PAASINNINNEQ





NAALAKKERSUISUT
GOVERNMENT OF GREENLAND



Imaneq 4, P.O. Box 1015,
3900 Nuuk, Kalaallit Nunaat
Oq. +299 34 50 00

Saqqaaani asseq:
© Christian Klindt Sølbeck

Titartakkat: © SIGNAfilm

Aaqqissuunnera:
Jan Tanderup

© Naalakkersuisut Siulittaasuata
Naalakkersuisoqarfia

Allannera siulleq, juni 2022

Aqutsinermut tunngaviusut pillugit
saaffigineqarsinnaavoq:
Naalakkersuisut Siulittaasuata
Naalakkersuisoqarfia
GOVSEC@nanoq.gl



SIULEQUT

Qitiusumik allaffeqarfimmi aqutsisut ersarissuussapput, piginnaasaqarlutik aamma aqutsinermik ataatsimut aallaaveqartumik aqutsisuusut, soorlu aqutsinissamut tunngavissami matumani nassuiarneqartoq tunngavigalugu.

Aqutsinissamut tunngavissami Naalakkersuisut qitiusumik allaffeqarfianni pisortat aqutsinerannut tunngasut suliffeqarfimmi aqutsisut suliassaat pingaarnert arfineq-pingasuusut tikkuarneqartut aallaavigineqarput. Qitiusumik allaffeqarfimmi aqutsisut ersarissut piginnaanillillu suliffeqarfup pitsaanerpaamik Naalakkersuisunut aamma inuiaqatigiinnut tamanut iluaqutaasumik isumagineqarnissaannut peqataassapput. Aqutsinissamut tunngavissaq suliffeqarfimmi aqutsisunik peqataatitsilluni sulinerup inerneraa tassani uummaarissumik suleriaasiat qitiutillugu.

Aqutsinissamut tunngavissami Naalakkersuisut qitiusumik allaffeqarfianni aqutseriaatsit pillugit oqaloqatigiittoqarnerulernissaannik qisuariartoqarnerulernissaannik aammalu aqutsinermik pitsanngorsaajuarnissamik tunaartarineqarpoq. Aqutsinissamik tunngavissaq atorneqassaaq, sularineqassaaq unammillerneqarlunilu.

Aqutsisut tamarmik namminneq ineriartornertik ingerlaavartumik pingaarnersiussavaat aammalu aqutsinissamik tunngavissaq atorluartarlugu - kisimiillutik allanillu peqateqarlutik. Aqutsinerit pingaarnersiorpavut aamma qanoq aqutsinissarput pillugu ingerlaavartumik oqaloqatigiittarnissat pingaartippavut. Qitiusumik allaffeqarfimmi aqutsisutut atugassarititaasut akueraavut, tassami tamanna aqutsinerni pingaarnersiuiuaruarnissatsinni aamma uagut aqutsisutut ineriartornissatsinnut aalajangiisuummat.

Qitiusumik allaffeqarfimmi aqutsisorpassuit piginnaaneqarluartut tatigaavut qujaffigalugillu - taakkumi peqatigaluta aqutsinissamut tunngavissaq pitsaanerpaamik malinniassagatsigu.

// Naalakkersuisoqarfinni pisortaqaatigiit

PISORTATUT SULIASSAT PINGAARNERPAAT ARFINEQ PINGASUT

Aqutsinissamut tunngavissami aallaavigineqarpoq Naalakkersuisut qitiusumik allaffeqarfianni suliffeqarfik politikikkut aaqqissuussaannermi aqutsisutut inuiaqatigiinni pingaarnerpaamik immikkut ittumik inissisimanerat.

Suliffeqarfip suliaasai takorluugaalu aallaaviupput, tassani qitiusumik allaffeqarfik Naalakkersuisunik, Inatsisartut peqatigalugit kalaallinut innuttaasunut nalinginnaasumillu soqutigisalinnut sinniisuusut, sullissisuusut ersarissumik nassuiarneqarpoq.

SULIASSAT


Patajaatsunik aalajangiinernut tunngavissat tunniuttarpavut aamma politikikkut aalajangikkat piviusunngortittarpavut.

TAKORLUUGAQ

Suliffeqarfittut peqataatitsinerunissarput attaveqartarnerunissarpullu aamma nunatsinnut tamarmut iluaqutaasumik ataqatigiissunik aaqqiissuteqartarnissarput anguniagaraarput.

Suliasaruna taanna naammassineqartariaqartoq taamaaliussagaannilu annertuumik suliniuteqartoqartariaqarpoq sulinerlu aqutsisutigut aaqqissuullugu, taamaalilluni suliffeqarfimmi sutigut tamatigut pitsaasumik ersarissumillu aqutsinissaq pilersinneqarsinnaalluni.

Aqutsinissamut tunngavissami Naalakkersuisut qitiusumik allaffeqarfianni pitsaasumik ersarissumillu aqutsinissat qulakkeerniarlugit aqutsisutut suliaosat pingaarnerit allaaserineqarput.



Aqutsinissamut tunngavissaq aqutsisutut ingerlanissamut pujorsiuutitut isigineqassaaq. Tamatuma sunik naatsorsuutiginnittoqarneranik takunninnissatsinnik periarfissippaatigut aamma nammineq allallu aqutseriaatsit pillugit oqaloqatigiinnilernernut qisuariarnissanullu atorneqassaaq.

Ersarissumik piginnaasaqartumillu aqutsineq suliffimmik pilerinartumik pilersitsinissamut piumasaqaataavoq, tamatumani pitsaasumik inuuneqarnissaq angusallu qitiutinneqarlutik.

SULIFFEQARFIMMI POLITIKIKKUT AQUNNEQARTUMI AQQTISSARSIUSSIVUNGA

Politikikkut allaffissornikkullu suliassanik immikkoortitsisoqartarnera pillugu suliffeqarfimmut piumasaqaataasunik ilisimasaqassaait tamakkulu malillugit pissusilersorlutit. Pisortani aqutsisutut suliffeqarfimmi politikikkut aqqqissuussaasumi qullerpaatullu aqutsinissamut najoqqutaqartumi aqqutissarsiuussivutit. Tamanna aqutsisuni suliassaavoq illit aqutsisutut politikikkut qaffasissumut qanilligaluttuinnarninni pingaarneruleluttuinnartussa; kisianni sutigut tamatigut aqutsisut suliffeqarfimmi politikikerinit aqunneqartumi aqqutissarsiuussisinnaanerit aalajangiisuvoq.

Appaatigut politikikkut anguniakkat suliassanik sularinnittarnernut ilanngunneqarnissaat qulakkeertussaavatit. Tamatuma kingunerisaanik illit immikkoortortaqaqfinni malinneqarsinnaaniassammata politikikkut aalajangersarlugit pingaarnersiukkat anguniakkallu ilisimasussaavatit isummerfigisussaallugillu.

Illua ' tungaatigut politikikkut inissisimaneq naapertorlugu sulianik pitsaasumik ilisimasat ilanngussallu ilanngunneqarnissaat atorneqarnissaallu peqataaffigissavatit. Suliaticigut siunnersuisarneq ingerlateqqinneqartussa; akisussaaffigissavat. Politikikkut aalajangiinerit suliaticigut ilisimasaqarfiginissaat qulakkiissavat, tamatuma politikikkut takorluukkat unammillersinnaavaat nukittorsarlugillu.

Tamanna ilutigalugu politikikkut aalajangiinerit sulianik ilisimasanut isiginnilluarnertit eqqarsaatigalugit isumatusaartuusannikkaluartut isumagisinnaasariaqarpatit.

Aalajangiinernut ilumoortuussaait aamma tamanna suleqatigisannut nalunaarutigisinnaasariaqarpat.

Oqaatsitigut kulturikkullu najoqqutassat suliffeqarfimmi politikikimi allaffissornermilu inissisimasut isummerfigisussaavatit. Tamatuma malitsigisaanik suliffeqarfimmi ingerlaavarneq suliassanillu isumaginninnerit oqaatsitigut kulturikkullu akuleriissut siuariartortissavat.



Tigussaasumik pissusilersornerit pillugit apeqqutit

- Politikikkut anguniakkat illit immikkoortortaqaarfisanni malinneqarnissaasa qulakkeerneqarnissaannut qanoq iliussavit?
- Politikikkut aalajangiinerit pillugit suliassanik ilisimasaqalernissamut qanoq iliussavit?
- Politikikkut aalajangiinerni suliassat isumatusaartuunngissinnaanerat qanoq isumagissavigit?
- Suliffeqarfimmi oqaatsitigut kulturikkullu najoqqutassat qanoq isummerfigivigit?

MALIGASSIUSUUVUNGA

Qitiusumik allaffeqarfimmit sinniisuuvutit maligassiuisutullu pissusilersortussaallutit, iliuutsitimmi illit immikkoortorta qarfigisanni sulisunit aamma immikkoortorta qarfinni aqutsisunit allanit malinneqalartarmata. Naalackersuisut qitiusumik allaffeqarfianni illit suliffeqarfiup ilaani immikkoortorta qarfianni oqaaseqartarnikkut, iliuuseqartarnikkut aqutseriaaseqarnikkullu suliffeqarfimmi tamarmi pissusilersortarnernut sunniuteqarnerit ilisimassavat. Inatsisunik malinninnerit, eqqortuussuseq, sulianik ilisimasaqassutsinik, ineriartortitsinernik suleqatigiinnernillu, akisussaaffinnik aqutsinernillu, kukkussutit pillugit ammasuunissamik kiisalu partiini naalackersuinermik suliaraqarnerni arlaannaannulluunniit attuumassuteqannginnissamik pillugit atorfilittat pissussaaffinik ilisimanninnissat malinninnissallu piumasaqaatigineqarpoq.

Pikkorissutut, uppernassusilittut akisussaaffillitullu tamannalu ilutigalugu inuppalaartutut misikkarissutillu oqimaaqatigiissillugit pissusilersortussaavutit. Kajumissutsimik, peqataanermik neriunnermillu takutitsissaatit. Tassa pissusilersorninni aamma isikkoqarninnilu.

Suliffeqarfimmi aalajangiinerni siuttuussaait, taamaalilluni immikkoortorta qarfinni sulisunut piumasaqaatit aamma illit qanoq iliortarnit ataqatigiillutik. Tamanna suliffeqarfiup atuunnerani sutigut tamatigut atuuppoq, soorlu suliassanik sularinninnerni aningaasanillu aqutsinermi. Aningaasatigut sillimmataatit politikikkut pingaarnersiunerit siunertarineqartullu naapertorlugit atorneqarnissaat qulakkeertussaavait.

Unneqqarissumik, ersarissumik toqqaannartumillu nalunaaruteqartassaait. Tamatuma malitsigisaanik oqarnittut iliortassaait sunerlutillu oqaatigisarlugu. Kikkunnut tamanut ataqqinnippalaartuussaait tassuunakkullu attuumassutini tamani saqqummiussisarnerit attatiinnarneqarnissaannut tunniussillutit - aamma ulapinnarsigaangat.



Tigussaasumik pissusilersornerit pillugit apeqqutit

- Maligassiuisutut pissusilersorniarlutit qanoq iliortarpit?
- Atorfilittatut pisussaaffiit suliffeqarfiup ilaani illit immikkoortortaqaqarfinni qanoq qulakkeertarpigit?
- Pikkorissuunerit inuppalaartuunerillu qanoq oqimaaqatigiissittarpigit?
- Iliuutsitit pillugit qanoq ersarissumik attaveqartarpit?


AQUTSISUTUT PERIARFISSAKKA ILISIMAVAKKA

Aqutsinermi periarfissatit tamanut oqaluserissavatit qulaajarlugillu - aamma tamanna pisuni aalajangersimasuni pisortatigoortumillu oqallittarfimmi ingerlaavartumik pisassaaq. Aqutsisutut periarfissat imatut paasineqassaaq, tassa aqutsinissamut pisinnaatitaaffit, periarfissat killissallu. Illit aqutsisutut aalajangiinerit sorliit toqqassagiti pineqarpoq, kisianni angusanut anguneqartunut sunik akisussaaffeqarninnut aamma tunngapput.

Taamaattumik suliffeqarfup ilaani immikkut akisussaaffeqarnikkut aqqissuussaannikkut inissisimaneq aningaasallu eqqarsaatigalugit piumasaqaatit ilisimasussaavatit. Tamanna periarfissiinissami timitaliilluni suliniuteqarnissamik piumasaqaatitaqarpoq, tamatumani illit pisortani aqutsisutut inatsisinik malinnittumik aqutsisinnaassallutit. Tamatuma saniatigut aqutsisorisat qaninnerusooq aqutsisoqatitillu peqatigalugit aqutsinikkut pingaarnerisuiernik pisinnaatitaaffinnillu naleqqussaannannut periarfissaqarputit.

Aqutsisut qaniginerpaasatit aqutsisoqatitillu qanimut suleqatigiillusi aqutsisoqatigiinni timitaliillusi tunniussaqaarnissigut illit aqutsinissannut tunngavissiiinissat piumasaqaataavoq. Taamaalillutit aqutsininni periarfissatit suliffeqarfimmi aqutsinermik aamma tassani aqutsisut tullerriaarnerannik ataatsimut paasinninnermik tunngaveqarput.

Paasineqarumallutit ilumoorlutit nalunaaruteqartassaatit, tunngavilersuillutit aammalu aqutsisut aalajangiussaannik iliuuseqarlutit - tamakku aalajangiunneqareerpata. Aalajangiisoqartussaattillugu alaatsinaallutit peqataassaatit tunniussaqaarlutillu. Tamatuma ilaatigut malitsigisaanik suleqativit qisuariaatigisinnaasaannut nalunaaruteqartarlutillu iliuuseqartassaatit - aalajangiisoqannginnerani aamma aalajangiisoqareerpat.



Tigussaasumik pissusilersornerit pillugit apeqqutit

- Aqutsininni periarfissatit qanoq qulakkeertassavigit?
- Illit nammineq aqutsisullu allat tunngavissat eqqortut qanoq pilersissavisigit?
- Illit, aqutsisorisat qaniginerpaasat, aqutsisoqatitit sulisullu aqutsinermik ataatsimut paasinnittoqarnissaanut qanoq iliussavit?
- Aqutsisut aalajangiinerat suliffeqarfimmi nalunaarutiginiissaannut tunngavilersorneqarnissaannullu qanoq iliussavit?


SULISUT AQUPPAKKA INERIARTORTILLUGILLU

Illit immikkoortorta qarfinni tatiginartumik attuumassutilimmik sulisut aqussavatit ineriartortillugillu. Tamanna oqaloqatigiinnikkut pissaaq, tassani sulisut atugaat toqqissisimanerallu qitiutinneqarlutik aamma illit ersarissuussaait, ornikkuminarlutit, alaatsinaallutit qanilaarlutillu.

Sulisut eqqortut piginnaasaat kajumissusiallu aallaavigalugit aamma ersarissunik killiliillutillu siunnerfilillutit immikkoortortarisat aaqqissuutissavat. Suliassat nassuiassuatit, pingaarnersiorlugit, ataqatigiissaarlugit suliakkiissutigalugillu aqutsissaait. Tamanna ilutigalugu inatsisit sulisunut tunngasut aqutseriaatsillu assigiinngitsut ilisimassavatit, tamatumani tusarnaartassaait, naatsorsuutigisatit naleqqussassavatit aamma tigussaasunik utertitsisut pissusilersuutillu iluarsisat tapersersussavatit.

Tamanna sulisut eqqortunik killilernissaannut suliassaminnillu suliarinninnissaminnut periarfissaqarnissaannut naatsorsuutigisani pilersitsinikkut pissaaq. Tamatuma malitsigisaanik sulisussarsiorneq sulisunillu tigungminiinnarnissamik qitiutitsinermik malitseqarpoq, tamatumani sulisut suliffeqarfup pisariaqartitaasa assinganik suliatigut inuttullu piginnaasaqarnissaa qulakkearniarlugu. Sulisut piginnaasaallu ineriartortinneqarnissaat ingerlaavartumik neqeroorutigisassavatit qulakkeerlugillu. Tamanna illit immikkoortorta qarfigisanni assigiinngitsunut inissaqarfusumi aamma timikkut tarnikkullu pitsaasuuffusumut sulinermi ataatsimoorfimmu qanimut attuumassuteqarfusumi suliatigut avatangiisinik nukittuujunissaq malitseqartarniartussaasaq.

Akisussaaffimmik tigusisinnaassaait toqqakkannillu tunngavilersuillutit tamatumuunakkummi tamatumingga paasinninnermik pilersitsissaait. Tassa ilaatigut imaappoq inuit suliatigullu aporaannerit pitsaasumik isumagissagitit - aamma pissutsini suliffiup avataani tunngasuni. Tamanna illit attaveqartarninni ersarissuunissannik, periarfissat assigiinngitsut aallaavigalugit pissutsinik eqqumaffiginnissannut aamma kulturit assigiinngissutaannik paasinninnissannut piumasagaatitaqarpoq, taamaalillutik sulisut imminneq naleqartutut pineqartassallutik.



Tigussaasumik pissusilersornerit pillugit apeqqutit

- Sulisut qaninneruniarlugit qanoq iliuuseqartarpit?
- Illit sulisullu akornanni tatigeqatigiilerniarlusi qanoq iliuuseqarpit?
- Sulisut atugarissaarnissaat qanoq isumagisarpiuk?
- Piginnaasallit eqqortut sulinissaat aamma holdit eqqortuunissaat qanoq iliuuseqarfisarpigit?
- Aalajangiinissat ajornakusoortut pitsaasumik qanoq aalajangertarpigit naammassillugillu?

SULIFFEQARFIK TAMAAT PILLUGU ISUMMERTUSSAAVUNGA


Suliffeqarfimmi tamarmi paasisassarsiortussaavunga. Taamaalillutik suliffeqarfimmi tunngavisseeqataavutit, tassami illit immikkut ittumik immikkoortortaqaarfii Naalakkersuisut qitiusumik allaffeqarfiata ilagimmagu. Tamanna suliassat suliarineqarnissaat pillugit suliffeqarfup ilaani oqaloqatigiilernissamik suleqatigiilernissamillu pisussaaffiliivoq - pissutsit ilutsinnut tunngasut attaveqaatillu assigiingitsut aqqtigalugit.

Suliffeqarfik ataatsimoortutut isummerfigissavat, taamaalillutik nunatsinni inuiaqatigiinni unaminarnarpaat isumagineqarniassammata. Tamanna inuiaqatigiinnut innuttaanullu tamanut iluaqutaasumik isumalluutaannik oqimaqatigiissaarinermik pingaarnersuisinnaanermillu piumasaqaatitaqarpoq. Imaassinnaavoq illit immikkoortortaqaarfip pillu suliassat unaminartut amerlanersaat pitsaanerpaamillu suliarineqarnissaannut tunngatillugu sulisunik tunniussaqaarsinnaallutillu pissarsisinnaasutit.

Taamaattumik illit aqutsisutut illup iluani suleqataasut piffissaq eqqorlugu peqataatinneqarnissaannik paasinnittariaqarputit aammalu suleqatigiinnissamik ataqatigiissaarinissamillu kaammattuillutit. Suliffeqarfup ilaani arlalinni suliassat imminnut attuumassuterpassuaqarput, tamatumani suleqatigiilluni suliassanik isumaginninnissat aaqqissuunnissat ataqatigiissarneqarnissaallu iluaqutaassaaq. Tigussaasumik peqataatitsinissamik siunertaq ilisimaarissavat, peqataatitsigaangavit aamma peqataatinneqaraangavit.

Suliffeqarfimmi immikkoortortaqaarfinni allanik orniguttarnikkut aamma suliat suleriaatsillu pillugit paasissutissiarnikkut suliffeqarfimmi ilisimasanik porsaasoqarnissaanut pingaarnersuissaatit. Illit immikkoortortaqaarfip pillu allanit tunniussat tatigalugit akuersaarussigik oqaloqatigiinnerit siuarsarneqassapput.

Oqaloqatigiinnikkut suliffeqarfimmi suliassat suliarineqarnissaat pillugit assigiingitsunik suliallit suleqatigiilissapput.



Tigussaasumik pissusilersornerit pillugit apeqqutit

- Suliffeqarfimmi pisortatigoortumik ilusilersuilernissamut aamma pisortatigoortuunngitsumik attaveqaatit oqaloqatigiittalernissaannut suleqatigiilernissaannullu qanoq peqataassavit?
- Inuiaqatigiinnut tamanut innuttaasunullu tamanut iluaqutaasumik sulisunik tunniussinissat tigusaqarnissallu qanoq isumaqarfigaajuk?
- Suliffeqarfimmi sulisut ilaat qaqugukkut peqataatinneqassanersut paasereerpiuk?
- Illit immikkoortorta qarfinniittut suliffeqarfiup ilaattut misiginissaannut qanoq iliussavit? tamatumani immikkoortorta qarfiit akornanni suleqatigiinneq piumasaqaataalluni.
- Suleqatitit suliffeqarfimmi orniguttuunissaannut ilisimasanillu avitseqateqartarnissaannut qanoq piareersassavigit?

AVATANGIISIKKA PEQATAATIPPAKKA

Suliffeqarfup inissisimaneranik nalinginnaasumillu inuiaqatigiinnut immikkut akisussaananik paasinnittussaavutit. Taamaattumik qitiusumik allaffeqarfik pillugu isummernissat naammanngilaq; suliassanik sularinninnerit pisortat immikkoortortaanni allani suleqateqarnikkut aamma innuttaasunik, atuisartunik, suliffeqarfinnillu peqataatitsinikkut pissaaq.

Soqutigisallit attuumassuteqartut suliassanik sularinninnissat pillugit peqataatitsinissat qulakkeertussaavat. Illit aqutsisutut avatangiisivit peqataatinneqarnissaannut sulisinnissaannullu tunngavissiiinissat suliassaraat. Tamatuma malitsigisaanik suleqataasut avataaneersut ilisimasaannik eqikkaassaait tamakkulu atorneqarnissaannut pingaarnersuissaait - tamakku imaassinnaavoq innuttaasuneersut, suliffeqarfinneersut aamma nunami aamma nunarsuarmit tamarmit suliffeqarfinneersuusut.

Pitsaasumik aqutsinermut tunngavissat ilisimassavatit taakkulu malillugit pissusilersortarlutit. Avatangiisitit suliffeqarfimmik suliassanillu sularisassanik paasinninnissaminnut periarfissaqassapput. Taamaallutit aalajangiiniarnermi aalajangersimasumi qaqugukkut qanorlu sunniuteqartoqarsinnaanersoq ilisimaarissavat.

Avammut attaveqartarnissat/nalunaaruteqartarnissat aamma suliassat paasiuminartuunissaat qulakkiissavatit. Innuttaasumik qanilaartumik pitsaasumillu siunnerfeqarluartumik ataavartumillu attaveqatigiinnissaq pingaaruteqarpoq.



Tigussaasumik pissusilersornerit pillugit apeqqutit

- Soqutigisaqaqatigiit attuumassuteqartut peqataatinniarlugit qanoq iliortarpit?
- Soqutigisaqaqatigiit attuumassuteqartut nassaasaanersut qanoq qulakkiissaviuk?
- Illit immikkoortortaqaarfippillu pitsaasumik aqutsinissamat tunngavissat qanoq malippisigik?
- Immikkoortortaqaarfissinni qanoq pisoqarneranik avatangiisissinnut paasititsiniaasarpit?

ANGUSANIK SUNNIUTINILLU PILERSITSINISSANUT AKISUSSAAFFIMMIK TIGUSIVUNGA

Suliffeqarfup avatangiisinik sunniinissaa siunertaralugu illit immikkoortortaqaqarfinni angusanik sunniutinillu pilersitsinissat isumagissavat. Tamakku tassaassapput angusat sunniutinillu innuttaasunut, suliffeqarfinnut, aaqqissuussaanernut inuiaqatigiinnullu kalaallinut. Tamanna patajaatsumik ingerlatsinikkut pissaaq, tamatumani sulisut ataasiakkaat inissisimaffii ersarissarneqarlutik aamma piffissamut killiliussat pitsaassutsinullu piumasaqaatit malinneqartussat aalajangersarneqarnerisigut.

Suliffeqarfup immikkut ittumik inuiaqatigiinnut ataatsimut isigalugu immikkut akisussaaffeqarneranik illit paasinninnikkut angusanik sunniutinillu pilersitsinissat tappiffigissavat, angusat sunniutinillu nunatsinni inuiaqatigiinni annertuumik unamminartunut sammisut allannguissamik pisariaqartitsiffusumi.

Suliassanik isumaginninnernut tungavissiinissat suliassaraat. Suliassani suut naammassisinnaanersut nalilersussavatit, tassani suliassat piviusunnngortinneqarsinnaasut qitiutillugit pingaarnersiussagitit pilersaarusiussagitillu piumasaqaataavoq. Angusat pitsaalluinnartumik tunniunneqarnissaat anguniarneqartassaaq. Taamaalilluni suliassat naammassinissaannut aammalu malinnaaffiginissaannut sulisutigut sinaakkutissatigullu pisariaqartinneqartut pilersinneqarsimassallutik.

Angusat iluatsittut nersualarlugit malunnartillugilla ersarissassavatit. Tamakku inunntut ataasiakkaanut ataatsimoortunulluunniit tungasinnaapput.

Aaqqissuussamik malinnaatitsineq, nalilersuineq uuttortaanerlu qulakkiissavatit. Aamma suleqatigiiffiussaaq arajutsianiנגiffusoq aamma pissutsit pitsaanerulersinniarlugit anguniagaqarfujuartoq. Angusat anguniagassatut siunniunneqarsimasunut naammassininnigippata nassuiaatit assigiingitsorpasuusinnaapput. Tamanna arajutsianiנגillutit isummerfigissavat.



Tigussaasumik pissusilersornerit pillugit apeqqutit

- Anguniakkanik sunniutinillu pilersitsisoqarniarnera qanoq ingerlaavartumik qitiutissinnaaviuk?
- Immikkoortortaqaqfimmi suliassat inuiaqatigiinni unamminarnerpaat eqqumaffigalugit qanoq pingaarnersiussavigit?
- Suliniutit sunniutillu uuttortarneqarnissaannut, ersarissarneqarnissaannut, oqaluuserineqarnissaannut malinnaatitsisoqarnissaannullu qanoq iliussavit?
- Ilisimasat nalilersuinikkut anguneqartut pitsannguinerik kinguneqassappata qanoq iliussavit?
- Pitsaassutsip qulakkeernissaannut ingerlaavartumillu pitsanngorsaannisat qulakkeerniarlugit paasisutissanut tunngavissiinerit takussutissallu pingaarnert qanoq qulakkiissavigit?

SULIASSANIK ISUMAGINNINNERNIK INERIARTORTITSEQATAAVUNGA

Illit aqutsisutut suliassat isumaginissaannut suliarineqarnissaannullu ataatsimut takunnissinnaasussaavutit. Suliassanik isumaginninnerit tunngavissinniarlugit unammillernissaq suliassarivat, sunniuteqarluartunngortillugu. Tamanna piumasaqaatinut, allanngoriartornernut tulluarsarnissamik suliassanullu timitaliilluni suliniuteqarnissamik piumasaqaatitaqarpoq, taamaattorli tamanna pissutigalugu ulluinnarni suliassat aqussinnaajunnaarnagit.

Ineriartortitsinissamut piffissamik immikkoortitsillutillu pingaarnersiuisaatit. Immikkoortortaqrfit aallaavigalugu suliffeqarfimmik ineriartortitsinermut suleqataassaait, taamaalillutik suliffeqarfik immikkoortortaqrfillu pissutsinut malinnaaniassammata aammalu nutaamik aaqqissuussineq (suleqatigeeriaatsillu eqqarsaatigalugit) eqaatsuuniassammata. Tamanna illit sulisullu periarfissanik nutaanic tiguisinnaanerannut tunngavissiisoqarneranik kinguneqassaaq.

Ingerlaavartumik isummersorneqartassaait, takunnissinnaallutit aamma ilisimasanik pissarsiornikkut malinnaallutit tamannalu ilutigalugu suliassat qanoq isumagineqarnissaannut oqaasertalersuillutillu unammillerlutit. Tamanna digitalikkut periarfissanik pingaarnersiuinikkut pissaaq aamma tamanna atortunik sulinernillu imminut isumaginnittunngorsaanermt (automatisering) iluaqutaassapput, tamanna ajornanngippat.

Najukkami avatangiisini nunarsuarmilu tamarmi suut allanngoriartornersut qanoq ilinnut, illit immikkoortortaqrfinnut, suliffeqarfimmut suliassanillu isumaginninnernut atuumassuteqarnersut eqqumaffigissavatit.

Immikkoortortaqrfinni najukkami najoqqutassaaq naleqqussarlugu ineriartortitsisoqassaaq. Sulisunut suliniutit nutaat allanngornerillu ilisimatitsissutiginnisaat nassuiaatiginissaallu isumagissavat, taamaalillutik sulisunut tamakku isumaqalerniassammata atuuttussanngortinneqarnissaannullu piffissamik immikkoortitsisoqarniassammat.



Tigussaasumik pissusilersornerit pillugit apeqqutit

- Patajaatsumik ingerlatsinerup ineriartortitsinerillu akornanni qanoq oqimaaqatigiissitsissavit?
- Suliassat allat tamaasa ineriartortinneqarnissaanut piffissat qanoq pingaarnersiortarpiuk?
- Sulisut suliassanik isumaginninneranni sulisut ineriartornissaanut qanoq isummorsinnaavigit?
- Ineriartornerup najukkani pissutsinut naleqqussarneqarnissaanut qanoq iliussavit?

SULIFFEQARFIMMI POLITIKIKKUT AQUNNEQARTUMI AQQUSSARSIUUSSIVUNGA

- Politikkikkut anguniakkat illit immikkoortotaqarfigisanni malinneqarnissaasa qulakkeerneqarnissaannut qanoq iliussavit?
- Politikkikkut aalajangiinerit pillugit suliassanik ilisimasaqalernissamut qanoq iliussavit?
- Politikkikkut aalajangiinerni suliassat isumatusaartuungittarnerat qanoq isumagissavigit?
- Suliffeqarfimmi oqaatsitigut kulturikkullu najoqqutassat qanoq isummerfigivigit?

MALIGASSIUUSUUVUNGA

- Maligassiuusutut pissusilersorniarlutit qanoq iliortarpit?
- Atorfilittatut pisussaaffiit suliffeqarfup ilaani illit immikkoortotaqarfinni qanoq qulakkeertarpigit?
- Pikkorissuunerit inuppalaartuenerillu qanoq oqimaaqatigiussittarpigit?
- Iliuutsitit pillugit qanoq ersarissumik attaveqartarpit?

AQUTSISUTUT PERIARFISSAKKA ILISIMAVAKKA

- Aqutsininni periarfissatit qanoq qulakkeertassavigit?
- Illit nammineq aqutsisullu allat tunngavissat eqqortut qanoq pilersissavisigit?
- Illit, aqutsisorisat qaniginerpaasat, aqutsisoqatitit sulisullu aqutsinermik ataatsimut paasinittuqarnissaanut qanoq iliussavit?
- Aqutsisut aalajangiinerat suliffeqarfimmi nalunaarutiginnissaannut tunngavilersorneqarnissaannullu qanoq iliussavit?

SULISUT AQUPPAKKA INERIARTORTILLUGILLU

- Sulisut qaninneruniarlugit qanoq iliuseqartarpit?
- Illit sulisullu akornanni tatigeqatigiillerniarlusi qanoq iliuseqarpit?
- Sulisut atugarissaarnissaat qanoq isumagisarpiuk?
- Piginnaasallit eqqortut sulinissaat aamma holdit eqqortuunissaat qanoq iliuseqarfigisarpigigit?
- Aalajangiinissat ajornakusoortut pitsaasumik qanoq aalajangertarpigit naammassillugillu?

SULIFFEQARFIK TAMAAT PILLUGU ISUMMERTUSSAAVUNGA

- Suliffeqarfimmi pisortatigootumik ilusilersuilemissamut aamma pisortatigootuunngitsumik attaveqaatit oqaloqatigiittalernissaannut suleqatigiilernissaannullu qanoq peqataassavit?
- Inuiaqatigiinnut tamanut innuttaasunullu tamanut iluaqutaasumik sulisunik tunniussinissat tigusaqarnissallu qanoq isumaqarfigaajuk?
- Suliffeqarfimmi sulisut ilaat qaqugukkut peqataatinneqassanersut paasereerpiuk?
- Illit immikkoortotaqarfniittut suliffeqarfup ilaattut misiginissaannut qanoq iliussavit? tamatumani immikkoortotaqarfii akornanni suleqatigiinneq piumasaqaataalluni.
- Suleqatitit suliffeqarfimmi orniguttuunissaannut ilisimasanillu avitseqateqartarnissaannut qanoq piareersassavigit?

AVATANGIISIKKA PEQATAATIPPAKKA

- Soqutigisaqatigiit attuumassuteqartut peqataatinniarlugit qanoq iliortarpi?
- Soqutigisaqatigiit attuumassuteqartut nassaasaanersut qanoq qulakkiissaviuk?
- Illit immikkoortotaqarfipillu pitsaasumik aqutsinissamut tunngavissat qanoq malippisigik?
- Immikkoortotaqarfissinni qanoq pisoqarneranik avatangiisissinnut paasititsiniaasarpi?

ANGUSANIK SUNNIUTINILLU PILERSITSINISSANUT AKISUSSAUFFIMMIK TIGUSIVUNGA

- Anguniakkani sunniutinillu pilersitsisoqarniarnera qanoq ingerlaavartumik qitiutissinnaaviuk?
- Immikkoortotaqarfimmi suliasat inuiaqatigiinni unaminarnarpaat eqqumaffigalugit qanoq pingaarnersiussavigit?
- Suliniutit sunniutillu uuttortarneqarnissaannut, ersarissarneqarnissaannut, oqaluuserineqarnissaannut malinnaatitsisoqarnissaannullu qanoq iliussavit?
- Ilisimasat nalilersuinnikkut anguneqartut pitsannguinnernik kinguneqassappata qanoq iliussavit?
- Pitsaassutsip qulakkeernissaanut ingerlaavartumillu pitsanngorsaanissat qulakkeerniarlugit paasissutissanut tunngavisiinerit takussutisallu pingaarneriit qanoq qulakkiissavigit?

SULIASSANIK ISUMAGINNINNERNIK INERIARTORTITSEQATAAVUNGA

- Patajaatsumik ingerlatsinerup ineriartortitsinerillu akornanni qanoq oqimaqatigiissitsissavit?
- Suliassat allat tamaasa ineriartortinneqarnissaannut piffissat qanoq pingaarnersiortarpiuk?
- Sulisut suliassanik isumaginninneranni sulisut ineriartornissaannut qanoq isummersorsinnaavigit?
- Ineriartornerup najukkani pissutsinut naleqqussarneqarnissaannut qanoq iliussavit?



INERIARTORTITSINERUP INGERLANERA

2021-mi martsimi Naalakkersuisoqarfinni pisortaaqatigiit aalajangerput Naalakkersuisut qitiusumi allaffeqarfiannut aqutsinermut tunngaviusunik nutaanik ineriartortitsineq aallartinniarlugu. Aqutsinissamut tunngavioq 2014-imeersoq, aqutsinik sulisunillu akuutitsilluni suliap ingerlanneratigut ineriartorteqqinneqarsimasoq nutarterneqarsimasorlu, aallaavigneqarsimavoq.

2014 Aqutsinermut tunngaviusut

Naalakkersuisoqarfimmut pisortaaneerit innersuussiveqatigiinnik toqqaapput Naalakkersuisoqarfinnit aqutsisoqarfinniillu tamaginnit pisortat aallartitaqarlutik. Taakkua aqutsisutut suliassat arfineq pingasut suussusersiniarlugit nassuiarniarlugillu ulluni iluitsuni pingasuni suliaqarluni isumasioqatigiinnermi katersuussimapput.

marts 2021

Suliap ingerlanera Naalakkersuisoqarfimmut pisortaaneerit isumasioqatigiinneranni aallartinneqarpoq. Aqutsinissamut tunngavioq 2014-imeersoq, aqutsinissamut tunngavioq aaqqissuussaaneerit politikikkut aqunneqartumut aaqqissuussatut naleqqussarneqarnissaa aallaavigalugu nutarterneqartussaasimavoq, aalajangersimasuussalluni aammalu isummertsittissalluni oqaloqatigiissittissallunilu kiisalu pisariitsuussalluni.

juni - september 2021

september - december 2021

Aqutsinissamut tunngaviusut missiingit qitiusumi allaffeqarfimmi sumiiffinni isumannaallisaaneerit suleqatigiinnermullu ataatsimiittialianut saqqummiinneqarpoq, tassani aqutsisut sulisullu pilersitsiivulluurtumik

Naalakkersuisoqarfimmut pisortaaqatigiit aqutsinermut tunngavissat, akuutitsilluni suliap ingerlareernerata kingorna naammassisut, akueraat.

februar 2022

juni 2022

Aqutsinermut tunngavissat saqqummersinneqarnerat, tamatumalu kingorna Naalakkersuisoqarfinni aqutsisoqarfinniillu tamaginni atuutitsilernissamut suliaqarluni isumasioqatigiittoqarluni.

Qitiusumi allaffeqarfimmi aqutsisunut tamaginnut aqutsisunik naliliineq ingerlanneqarpoq, tamatumalu kingorna pikkorisarnissamut neqeroorteqarluni.

juni-december 2022

**Aqutsinermut tunngaviusut
atorneqartualernerat,
naliliineq naleqqussarnerlu**